

ბოლნისის ახალი კარტოფილი

რეგისტრაციის № 28

რეგისტრაციის თარიღი: 19/12/2024

გეოგრაფიული აღნიშვნა: ბოლნისის ახალი კარტოფილი

საქონლის დასახელება, რომლისთვისაც რეგისტრირებულია გეოგრაფიული აღნიშვნა: კარტოფილი

განმცხადებლის სახელი და მისამართი: შპს ბოლნისის აგროცენტრი; სულხან-საბა ორბელიანის №106, ბოლნისი, საქართველო

1. პროდუქტის დასახელება: ბოლნისის ახალი კარტოფილი

2. პროდუქტის აღწერა

ბოლნისის ახალი კარტოფილი წარმოადგენს ბოლნისის მუნიციპალიტეტის ტერიტორიაზე მოყვანილ მცირე ზომის ნედლ კარტოფილს.

დაშვებული ჯიშები – ამ კარტოფილის სათესლე მასალად გამოიყენება შემდეგი ჯიშები: იმპალა (ჰოლანდია), სანტა (ჰოლანდია), მარფონა (ჰოლანდია), არნოვა (ჰოლანდია), ოთოლია (გერმანია), დონატა (გერმანია) და ნევსკი (რუსეთი).

მოთხოვნები მახასიათებლებისადმი – ბოლნისის ახალ კარტოფილს უნდა გააჩნდეს შემდეგი ფიზიკური და ორგანოლეპტიკური მახასიათებლები:

ბოლქვის ფორმა – მომრგვალო, ოვალური, ოვალურ-წაგრძელებული.

კანი – თხელი, ნაზი, გლუვი, ყოველგვარი გარეგანი დეფექტების გარეშე.

ბოლქვის ზომა – I ხარისხი: 15 მმ-დან 30 მმ-მდე;

II ხარისხი: 30 მმ-დან 50 მმ-მდე.

ფერი – ბაცი-მოყვითალო.

გემო და არომატი – ახლად ამოღებულ ბოლნისის კარტოფილს გააჩნია გამორჩეულად სასიამოვნო გემო, აგრეთვე, მიწისა და თხილისათვის დამახასიათებელი ძლიერი სურნელი, რომელსაც ის ხანგრძლივად ინარჩუნებს.

გასაყიდად გამზადებული კარტოფილი უნდა იყოს ჯანსაღი, მთელი, სუფთა, ფიზიკური დაზიანების გარეშე. დასაშვებია მთლიანი წონის 5% იყოს ნაწილობრივ გამწვანებული კარტოფილი.

კარტოფილი იყიდება ნაყარი ან, მომხმარებლის მოთხოვნის შესაბამისად, აწონილი და დაფასოებული სახით.

3. წარმოების არეალი

ბოლნისის ახალი კარტოფილის მოყვანა ხდება ბოლნისის მუნიციპალიტეტის შემდეგ სოფლებში: ნახიდური (41°28'11"N, 44°41'43"E), ჭაპალა (41°26'10"N, 44°38'05"E), სამტრედო (41°26'15"N, 44°36'20"E), ფარიზი (41°28'17"N, 44°44'08"E), ცურტავი (41°28'28"N, 44°28'35"E) სავანეთი (41°25'49"N, 44°39'48"E), ხიდისყური (41°52'00"N, 44°33'38"E) და მამხუტი (41°23'01"N, 44°43'18"E).

ბოლნისის ახალი კარტოფილის მოყვანა, შენახვა და დაფასოება ხდება წარმოებისთვის დადგენილი გეოგრაფიული არეალის საზღვრებში, რაც ხელს უწყობს მისი განსაკუთრებული თვისებების შენარჩუნებას და ნაკლებად დაზიანებას მომხმარებლისთვის მიწოდებამდე.

4. წარმოშობის მტკიცებულება

პროდუქტის მიკვლევადობა წარმოების ყველა ეტაპზე უზრუნველყოფილია იმით, რომ მწარმოებლები, დამფასოებლები და გამყიდველები ვალდებული არიან აწარმოონ პროდუქციის მიწოდება-მიღებასთან დაკავშირებული ჩანაწერები სპეციალურ ჟურნალებში.

5. პროდუქტის წარმოება

სამუშაოს დასახელება	ნოე მბე რი	დეკე მბერ ი	იან ვარ ი	თებე რვალ ი	მა რ ტი	აპრ ილ ი	მა ის ი	ივ ნი სი
სათესლე კარტოფილის შესყიდვა	ü	ü						
სათესლე კარტოფილის გადარჩევა		ü						
თესლის დამუშავება ქიმიკატებით დათესვის წინ				ü	ü			
მიწის საგაზაფხულო მოხვნა						ü		
მიწის თესვის წინა კულტივაცია/გა ფხვიერება				ü				
სათესლე კარტოფილის დატვირთ ვა და ტრანსპორტირება დასათესა დ				ü	ü			
თესვა				ü	ü			
I კულტივაცია						ü		
II კულტივაცია (ნახევარ ყელის მი ცემა)						ü		
სასუქის შეტანა				ü	ü			
შეწამვლა (კოლორადოს ხოჭოს წინ ააღმდეგ გასატარებელი სამუშაოზე ბი)							ü	ü
მორწყვა 2-3 ჯერ							ü	ü
ამოყრა							ü	ü

მიუხედავად ამ არეალში პარაზიტების იშვიათობისა, ყოველი შემთხვევისთვის, მავნე ბლენისგან დასაცავად დახვნის წინ იყენებენ ისეთ პრეპარატებს, როგორიცაა „პრესტიჟი“ და „სელესტოპია“. ასევე, უნდა აღინიშნოს, რომ ბოლნისის ახალ კარტოფილს ამ შემოგარენში, ძირითადად, ერთი დაავადება ეკარება, ესაა ფიტოტპოროზი, რომლის საწინააღმდეგოდც გამოიყენება: რიდომილგოლდი, მელოდიდე, ტრაკოლი, ან კურზატი.

6. მიზეზობრივი კავშირი გეოგრაფიულ არეალსა და პროდუქტის სპეციფიკურ ხარისხს, რეპუტაციასა და სხვა მახასიათებლებს შორის

6.1. პროდუქტის სპეციფიკურობა, რეპუტაცია

ბოლნისის ახალი კარტოფილის მაღალი რეპუტაცია და მასზე მოთხოვნა ემყარება იმ ფაქტს, რომ ის, პრაქტიკულად, ყველაზე ადრეული კარტოფილია საქართველოში და, ამასთან, გააჩნია გამორჩეული ფერი, გემო და არომატი. მისი გამორჩეულობა და რეპუტაცია განპირობებულია როგორც ბუნებრივი, ისე ადამიანური ფაქტორებით.

მის მაღალ ხარისხზე და რეპუტაციაზე მიუთითებს ის ფაქტიც, რომ ის სარგებლობდა მაღალი მოთხოვნილებით საქართველოს ფარგლებს გარეთაც, კერძოდ, ხდებოდა მისი ექსპორტი დიდი ოდენობით სხვა და ხვა საბჭოთა რესპუბლიკებში [\[1\]](#). რაც შეეხება ბოლო წლებს, ბოლნისის რაიონიდან 2020-

2023 წლებში ექსპორტზე გატანილია 50 ათას ტონაზე მეტი ახალი კარტოფილი.

6.2. ბუნებრივი პირობები

მე-

3 პუნქტით განსაზღვრული „ბოლნისის ახალი კარტოფილის“ წარმოების გეოგრაფიული არეალის ძირითადი ნაწილი ვაკეებითაა წარმოდგენილი და ზღვის დონიდან 550 მეტრის სიმაღლეზეა. ამ ტერიტორიას ახასიათებს მშრალი სუბტროპიკული სტეპური ჰავა ზომიერად ცივი ზამთრით და ხანგრძლივი ზაფხულით. საშუალო წლიური ტემპერატურა ცელსიუსით 12,0 გრადუსს შეადგენს. ყველაზე მაღალი ტემპერატურა (45⁰ C) აღრიცხულია ივლისის ბოლოს აგვისტოს დასაწყისში. ეს ტერიტორია გამოირჩევა მცირე ნალექიანობით. ნალექების საშუალო წლიური რაოდენობა შეადგენს 572 მმ-ს. სწორედ ასეთი მეზოკლიმატი ხელს უწყობს ბოლნისის ნიადაგების ადრეულ გათბ

ობას და ხდის მას საადრეო კარტოფილის წარმოებისათვის ვარგისად. გასათვალისწინებელია ისიც, რომ ამ არეალის ნიადაგები ბუნებრივად ნაყოფიერი, ადვილად დასამუშავებელი, ადვილად დრენაჟირებადი და სწრაფად გათბობის უნარით ხასიათდება. დათბობის ეფექტს, ასევე, მინიმუმამდე დაჰყავს მოყინვების საშიშროება, რაც ძალიან სასურველია ახალგაზრდა ნაზარდების დაზიანებისაგან დაცვის თვალსაზრისით.

ამ არეალის ნიადაგი და კლიმატი განაპირობებს ბოლნისის ახალი კარტოფილის მაღალ რეპუტაციასა და გამორჩეულობას მცირე ზომით, განსაკუთრებული გემოთი და სურნელით.

6.3. ადამიანური ფაქტორი

ბოლნისის ახალი კარტოფილის გამორჩეულობა დიდად არის დამოკიდებული მწარმოებელთა სპეციფიკურ ცოდნასა და საადრეო კარტოფილის მოყვანის პრაქტიკულ გამოცდილებაზე. კერძოდ, ეს არის არეალთან დაკავშირებული თესვის სპეციფიკა, რომელიც ვითარდებოდა და თაობიდან თაობას გადაეცემოდა წლების განმავლობაში. ნიადაგის სათანადოდ მომზადება მნიშვნელოვნად არის დაკავშირებული ფერმერის სპეციალურ ცოდნასა და გამოცდილებასთან. მაქსიმალური და ხარისხიანი მოსავლის მისაღებად დარგვის ვადების სწორი განსაზღვრა მოითხოვს ისეთი ფაქტორების კომბინაციის „შეგრძნებას“ და „მიხვედრას“, როგორიცაა კონკრეტულ ადგილზე არსებული ნიადაგობრივი პირობები, ნიადაგის ტემპერატურა და ამინდი.

7. პროდუქტის დაფასოება

კარტოფილი იყიდება ნაყარი ან დაფასოებული სახით. ახალი კარტოფილი უნდა იყიდებოდეს ახალ და სუფთა დაფასოებებში. გამოყენებული მასალა უნდა იძლეოდეს კარგად ვენტილირების, ტრანსპორტირებისა და შენახვის საშუალებას. დაფასოება უნდა ხდებოდეს 1, 2, 3, 4, 5, 6, 7, 8, 9, 10 და 15-კილოგრამიან პარტიებად. დასაშვებია 20-25 კგ დაფასოება ვაკუუმ შეფუთვით, თუ იგი განკუთვნილია კვების ობიექტებში შესატანად და სარეალიზაციოდ.

8. ეტიკეტირება

უშუალოდ დაფასებაზე მოთავსებული უნდა იყოს გეოგრაფიული აღნიშვნის ლოგო და სიტყვები „ბოლნისის ახალი კარტოფილი“. საექსპორტო პარტიებში კი გამოიყენება:

ინგლისურად: New potatoes from bolnisi

რუსულად: Молодой картофель из Болниси

9. მაკონტროლებელი ორგანო

ბოლნისის ახალი კარტოფილის სპეციფიკაციასთან შესაბამისობის კონტროლს ახორციელებს სსიპ სურსათის ეროვნული სააგენტო.

[1] „საადრეო კარტოფილი მომხმარებელს“, 1975 წლის 21 მაისი, გაზეთი „კომუნისტი“; „მოდის საადრეო კარტოფილი“, 1978 წლის 27 მაისი, გაზეთი „კომუნისტი“; „ბოლნისური კარტოფილი რუსეთის ქალაქებში“, 2005 წლის 6 აგვისტო, გაზეთი „საქართველოს რესპუბლიკა“.

ბოლნისის მუნიციპალიტეტი

